

2017-imi aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip aappassaaneerpeqarneranut

ISUMALIUTISSIISSUTAA

Ulloq 31. oktober 2016-imi inissiternerup kingorna ataatsimiititaliap ilaasortarai:

Inatsisartunut ilaasortaq Jens Immanuelson, Siumut, siulittaasoq

Inatsisartunut ilaasortaq Randi V. Evaldsen, Demokratit, siulittaasup tullia

Inatsisartunut ilaasortaq Nikolaj Jeremiassen, Siumut

Inatsisartunut ilaasortaq Jess Svane, Siumut

Inatsisartunut ilaasortaq Ane Hansen, Inuit Ataqatigiit

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Bendt B. Kristiansen, Inuit Ataqatigiit

Indhold:

1. Aallaqqaasiut4	
1.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat	4
1.2. 2017-imi aningaasanut inatsisissatut siunnersuut	5
1.2.1 Ataatsimoortumik tulleriarisarnissamik tunngavik	5
1.2.2 Maannakkut aningaasanik aqutsineq pillugu Aningaasaqarnermut Siunnersuisoqatigiit oqaaseqaataat	5
1.2.3 Allanguutissatut siunnersuutit	7
1.2.4 Aningaasaqarnermut Ataatsimiititaliap ataatsimut isigalugu isummenera	9
2. Aningaasaqarnermut Ataatsimiititaliap apeqqutai/oqaaseqaatai aalajangersimasut – suliaasaqarfinnut agguataarlugit	9
3. Aningaasaliissutinut allanguutissatut siunnersuutit	9
3.1. Sammisag 1 – Aaqqissuinikkut allanguutit	10
3.2. Sammisag 2 – Missingersuutinut sunniuteqanngitsumik allanguutit	11
3.3. Sammisag 3 – Isertitaqarnerunissamik inatsisitigullu aningaasartuutinit pissussaaffigisanit naatsorsuutit nutaat	11
3.4. Sammisag 4 – Aningaasartuuteqarnerunissamik kissaatit	12
3.5. Sammisag 5 – Kontumit pingaarnermut atugassanngortitsineq, 20.11.56 Missingersuutinik iluarsineq, allaffissorineq	12
3.6. Sammisag 6 – Kontumit pingaarnermut atugassanngortitsineq, 20.11.70 Suliniutinut nutaanut sillimmatit	13
3.7. Sammisag 7 – Konto pingaarneq 20.05.20 Kommunitut ataatsimoortumik tapiissutit	13
3.8. Sammisag 8 – Anisitaasimasunut inisseeqqittarfimmik tunisineq	14
3.9. Sammisag 9 – Aningaasanut inatsimmut isumaqatigiissut	14
3.10. Sammisag 10 – Meeqqanut ikorfartuisarneq pillugu Inatsisartut inatsisaat nutaaq	15
3.11. Sammisag 11 – Ilinniartunik suliffimmillu misiliisunik atorfinitsitsinermi inuiaqatigiit akisussaassuseqarnerat pillugu Inatsisissatut siunnersuut	16
3.12. Sammisag 12 – Suleriaaseq pillugu Ataatsimiititaliaq	16
4. Oqaasertaliussanut allanguutissatut siunnersuutit	17
4.1 Naalakkersuisut oqaasertaliussanut allanguutissatut siunnersuutaat	17
5. Aningaasaqarnermut Ataatsimiititaliap inassuteqaatai	17

Bilagsoversigt:

- A. Aningaasaqarnermut Ataatsimiititaliap 7. september 2016-imi Naalakkersuisunut apeqqutai.
- B. Aningaasaqarnermut Ataatsimiititaliap apeqqutaanut Naalakkersuisut akissutaat, tak. ilanngussaq A.
- C. Aningaasaqarnermut Ataatsimiititaliap 26. oktober 2016-imi Naalakkersuisunut apeqqutai.
- D. Naalakkersuisut aningaasaliissutinut allannguutissatut siunnersuutaat 26. oktober 2016-imeersut. (Allannguutissatut siunnersuutit nr. 1-83).
- E. Naalakkersuisut oqaasertaliussanut allannguutissatut siunnersuutaat 26. oktober 2016-imeersut. (Allannguutissatut siunnersuutit nr. 84-100).
- F. Aningaasaqarnermut Ataatsimiititaliap 8. november 2016-imi allannguutissat pillugit apeqqutai.

1. Aallaqqaasiut

2017-imi aningaasanut inatsisissatut siunnersuut Inatsisartunit ulloq 20. september 2016-imi siullermeerneqarpoq. Inatsisartut Naalakkersuisullu pillugit inatsimmi § 16, imm. 1 naaper-torlugu aningaasanut inatsisissatut siunnersuutip aappassaaneernejarnissaata pingajussaa-neernejarnissaatalu akornanni Aningaasaqarnermut Akileraartarnermullu Ataatsimiititaliaq aningaasanut inatsisissatut siunnersuut pillugu Inatsisartunut isumaliutissiissuteqassaaq.

Aningaasanut inatsisissatut siunnersuut Nanortalimmi 7.-11. august 2016-imi missingersuutit pillugit isumasioqatigiinnermi ataatsimiititaliamit misissorneqarpoq. Aningaasanut inatsisissatut siunnersuummik misissuinini suliarinninninilu tunngavigalugit apeqqutini oqaaseqaatinilu Naalakkersuisunut ulloq 7. september 2016-imi allagaqarnermigut ataatsimiititaliap nassiuppai. Ilanngussaq A innersuussutigineqarpoq. Ataatsimiititaliap apeqqutaanut Naalakkersuisut 22. septembarimi akissutaat pillugit ilanngussaq B innersuussutigineqarpoq.

Aningaasanut inatsisissatut siunnersuummik misissuinini suliarinninninilu tunngavigalugit apeqqutit oqaaseqaatillu arlallit malitseqartitsissutaasut Naalakkersuisunut ulloq 26. oktober 2016-imi allagaqarnermigut ataatsimiititaliap nassiuppai. Ilanngussaq C innersuussutigineqarpoq. Kiisalu ulloq 8. november 2016-imi allagaqarluni ataatsimiititaliaq allanik apeqquteqarpoq. Ilanngussaq F innersuussutigineqarpoq.

Inatsisartut aningaasanut inatsisissatut siunnersuummik aappassaaneerinninnissaannut ataatsimiititaliaq matumuuna isumaliutissiissuteqarpoq.

1.1 Aningaasanut inatsisissatut siunnersuutip ilusiligaanera aningaasaliisarnermilu male-ruagassat

Aningaasanut inatsisissatut siunnersuutip ilusiligaanissaa missingersuutit pillugit inatsimmi kapitali 2-mi 3-milu pingaarnertut aalajangersaavigineqarpoq. Aalajangersakkami tassani allassimasuni allassimavoq aningaasanut inatsisissatut siunnersuutip inatsisissatut siunnersuutit allat assigalugit imarigai inatsisip oqaasertai nassuiaatitallit.

Inatsisip oqaasertaanut ilaapput siunnersuummi aningaasaliissutinut takussutissaq Ilanngussaq 1-imiittoq aammalu siunnersuummi oqaasertaliussat Ilanngussaq 2-miittut. Oqaasertaliussanut tunngatillugu immikkut oqaatigineqassaaq inatsisip oqaasertaatut ilusiligaanertik aqutigalugu Inatsisartut inatsisaasa allat allanngortinneqarnissaannut ilassuteqarfigineqarnissaannulluunniit atornejarsinnaammata.

Nassuiaatinut ilaapput oqaasertaliussanut nassuiaatit, angusanut kontonullu pingaarnertut takussutissiat kiisalu missingersuutinut ilanngussat.

Missingersuutinulli ilanngussanut tunngatillugu oqaatigineqassaaq taakku imarimmatigit kontoni pingaarnerni ataasiakkaani aningaasaliissutinut tunngavissat erseqqinnerusut. Taamaalillunilu aningaasanut inatsisissatut siunnersuutip inatsisissatut siunnersuutinut allanut sanilliulluni ilaatigut allaanerussutigaa missingersuutinut ilanngussat ilusiligaanerannut allannguutissatut siunnersuutininik saqqummiussisoqarsinnaanera, naak taakku oqaatigineqareersutut inatsisip oqaasertaanut nassuiaatitut ilusiligaagaluartut. Nassuiaatilli sinnerinut, soorlu oqaasertaliussanut *nassuiaatinut* allannguutissatut siunnersuutininik immikkut saqqummiussisoqarsinnaangilaq.

1.2. 2017-imi aningaasanut inatsisissatut siunnersuut

1.2.1 Ataatsimoortumik tulleriiaarisarnissamik tunngavik

Ataatsimoortumik pingaarnersiulluni tulleriiaarisarnermik periuseqarneq aningaasaqarnitta pilersaarusionerqarnerani pingaarnertut tunngaviuvoq. Aningaasaqarnitta pilersaarusionera paasilertoruminartumik ingerlallugulu inuiaqatigiit aningaasatigut pisinnaasaannut naleqqus-sakkamik aningaasartuutigut aqutsivigisinnaassagutsigit periuseq taanna aalajangiusimasaria-qarparput.

Taamaattumik aningaasanut inatsimmi naatsorsuutigineqartumit amerlanerusunik ingerlatsi-nermut aningaasartuuteqarnissamik aalajangernissaq sioqqullugu Inatsisartut Naalakkersuisullu sukumiisumik isumaliutigineqqaartarnissaat aalajangiisuusumik pingaaruteqarpoq.

Suliassaq taanna Aningaasaqarnermut Akileraartarnermullu Ataatsimiititaliap Naalakkersuisullu kisimik naammassisinnaangilaat, Inatsisartulli tamarmiusut peqataallutillu tapersersuinissaat pisariaqarpoq. Tamanna ukiuni makkunani minnerunngitsumik pisariaqarpoq, tassami aningaasaqarnikkut attassisinnaassuserput annertuumik uloriarnartorsiortinneqartoq aammalu imaaliallaannaq aaqqiissuteqarnissaq ajornartoq erseqqissigaluttuinnarpoq.

1.2.2 Maannakkut aningaasanik aqutsineq pillugu Aningaasaqarnermut Siunnersuisoqatigiit oqaaseqaataat

Aningaasaqarnermut Siunnersuisoqatigiit ataatsimiititaliamit ulloq 21. september 2016-imi ukiumoortumik ataatsimeeqatigineqarput. Ataatsimiinnermi sammineqarpoq siunnersuisoqatigiit nalunaarusiaat saqqummeqqammersoq. Aningaasaqarnermut Siunnersuisoqatigiit 2016-imi nalunaarusiaata imarai aningaasat nalingisa nikerarnerat pillugu ilimagisat, maannakkut aningaasarsiornikkut ingerlatsineq ilinniartitaanerlu.

Aningaasaqarneq ukiut siuliini pingasuni appariarsimalluni 2015-imi siuariarfiusoq siunnersuisoqatigiit oqaatigaat. Siuariarneq 4-5 %-iusussatut naatsorsuutigineqarpoq. IS-ip inertera kingumoortumik ukiunut 2014-2017-imut naliliiffigigaanni 109 mio. kr.-inik amigartooruteqarnermik takutitsisoq siunnersuisoqatigiit eqqumaffigeqqaat. Taamaattumillu siumut isigisumik oqimaaqatigiittoqarnissaanik piumasaaqat aningaasanut inatsisissatut siunnersuummi naammassineqaaqalaaginnarmat ajornartorsiutitaqartutut siunnersuisoqatigiinnit isigineqarpoq. Tassunga atatillugu missingersuusiornermut inatsisissatut nutaatut Naalakkersuisut siunnersuutaat annertuumik alloriarnertut siunnersuisoqatigiinnit igineqarpoq, siunnersuutikkummi aningaasaqarnikkut anguniakkanik piffissamut akunnattumut ungasissumullu sammisunik inissitsiterinissamut sinaakutissat aalajangersarneqarmata. Aningaasat apparpallaannginnissaat anguniarlugu sanaartornermut aningaasaliussat iliutsinut atornerqarnissaannik anguniagaqarnikkut aningaasat nalingisa nikerarnerannut nalimmassaanissamut missingersuusiornermut inatsit nutaaq periarfissiisoq siunnersuisoqatigiit naliliipput. Tamatumunnga atatillugu aningaasaliissuteqarnissamut aningaasaateqarfup nutaap missingersuusiornermut inatsisip nutaap akuersissutigineqarneranut atatillugu pilersinneqartussap saniatigut sanaartugassanut iluarsagassanullu aningaasaateqarfik pingaarutilittut inissisimasutut isigineqarpoq. Siunnersuisoqatigiit isumaat malillugu ajornartorsiutit ilisimaneqarluarput aammalu missingersuusiornermut nutaamik inatsisiliornissaq iluarsaaqqinnissamillu pilersaarutit kisimik naammangillat.

Siunnersuisoqatigiit isumaat malillugu aningaasaqarnejq tamarmiisoq aalisarnerup nikerarneranit sunnersimaneqarpoq. Piffissaq qaninnerusoq isigalugu isumalluarnaraluarpalluunniit siunnersuisoqatigiit naliliinerat malillugu inuussutissarsiornikkut tunngavissat ikittuinnaanerat aammalu sulisinnaasut appassissumik ilinniagaqarnerat eqqarsaatigalugit aqqissuussaaniikkut ajornartorsiuteqarpoq suli aqqinneqarsimanngitsunik. Taamaattumillu siunnersuisoqatigiit isumaat malillugu siuariarnejq kingulleq aningaasaqarnerup ilorraap tungaanut ilumut saanneratut paasineqassanngitsoq Aningaasaqarnermut Akileraartarnermullu Ataatsimiititaliamit maluginiarnejqarpoq.

Aningaasaqarnermut Akileraartarnermullu Ataatsimiititaliamik ataatsimeeqateqarnermi attassisinnaanermut siuariartornermullu pilersaarut aningaasaqarnikkut ingerlatsineq pillugu 2016-imi nalunaarusiap ilaatut Naalakkersuisunit saqqummiunneqartoq siunnersuisoqatigiit tikippaat. Attassinissap anguneqarnissaanut imminullu napatittumik aningaasaqalernissap aallartisarnejqarnissaanut attassisinnaanermut siuariartornermullu pilersaarut isummernissamut ataatsimut tunngavissiaavoq. Aqqissuussaaniikkut ajornartorsiutit tunngavissut aqqiivigineqarnissaannut, taamaalillunilu aqqissuusseqqinnerit ingerlanneqarnissaannut tunngavissaqarnissamut siunnersuummik ataatsimoortumik peqalenera siunnersuisoqatigiinnit pitsaasutut isigineqarpoq. Siunnersuisoqatigiit isumaat malillugu attassisinnaanermut siuariartornermullu pilersaarut anguniakkanik iliuusissatullu nalunaarutinik amerlasuunik imaqarpoq, ajoraluartumilli naalakkersuinikkut iliuusissat/aqqissuusseqqinnerit aalajangersimasat annikitsuinnaallutik. Naalakkersuinikkut iliuuseqarnissaq aalajangiisuvoq. Aqqissuussaaniikkut ajornartorsiutit tunuliaqutaasut aqqiivigineqarnissaat aammalu aningaasaqarnikkut ataavarnerusumik siuariartornissamut tunngavissanik pilersitsinissaq pisariaqarpoq.

Ilinniartitaanermut tunngasuni annertuumik allannguinnissaq allatulluunniit pingaarnersiuinissaq 2017-imi aningaasanut inatsisissatut siunnersuummi siunnerfigineqanngimmat siunnersuisoqatigiit oqaatigaat. Atuarfimmi pissutsit ukiuni arlalinni taamaaginnassappata siunnersuisoqatigiit isumaat malillugu tamatuma kingunerinnassavaa inuusuttut ukioqatigiiaat arlallit ilinniarnermik piginnaassusiliisumik aallartitsinerlunnerat.

Attassisinnaanermut siuariartornermullu pilersaarummi aalisarnerup, aatsitassarsiornerup takornariaqarnerullu iluini periarfissat qitiutillugit sammineqarnerat pissusissamisoortoq siunnersuisoqatigiit isumaqarput, tassa inuussutissarsiornikkut siammasinnerusumik tunngaveqarnissami tunngavissat suliassaqarfinni nunap iluaquteqarfigeriigaani annertunerusumilluunniit ineriartortissinnaasaani nassaarineqartariaqassammata. Imminut napatittumik aningaasaqarnissami inuussutissarsiornikkut tunngaviup pisortat tapiissuteqartarnerannik tunngaveqanngitsup pilersinnissaa aalajangiisuusoq siunnersuisoqatigiinnit erseqqissaatigineqarpoq. Taamaattumillu siunnersuisoqatigiit isumaat malillugu inuussutissarsiummut ingerlatamulluunniit aalajangersimasumut pisortat tapiissuteqassappata tamatumani aallaavigineqassaaq akimmiffiit qaangerniarnissaannut piffissami sivikinnerusumi tapiissuteqarnissaq, taamaalilluni inuussutissarsiut nunani tamalaani unammilleqatigiinnermi unammillersinnaaleqqullugu. Taamaangippat akileraartartut aamma/imaluunniit atuisut tassaassapput akiliuteqartut, tamatumalu peqatigisaanik nunap unammillersinnaassusia ajornerulersinneqassalluni.

Sulisussaqartitsinariarnejq inuussutissarsiornikkut anguniakkanik aalajangersaanermi annertuumik pingaartinneqartartoq, tamannalu assersuutigalugu tulaassisussaataitaneq, nunalerinnermi angu-

niakkat, aalisarsinnaanermut akuersissutit il.il. eqqarsaatigalugit atuuttoq siunnersuisoqatigiit tikkuarpaat. Tamatumani aarlerinarsinnaasoq tassaavoq ataavartumik tapiissuteqartariaqarnej, taamaalilluni aaqqissuussaankkut naleqqussaansat pisariaqartut pinngitsoortinneqarnerat. Taamaattumik inuussutissarsiornermut tapiissutit piffissamut killiligaanissat aammalu suliniummut tapiissuteqassagaanni qularnaveeqqusiissagaanniluunniit aningaaseriviup imaluunniit taarsigassarsinissamut naliliisarfiup taarsigassarsinissamik sukumiisumik naliliisimanissat pisariaqartoq attassisinnaanermut siuariartornermullu pilersaarummi naqissuserneqarmat siunnersuisoqatigiit naapertuuttutut isigaat. Tamatuma peqatigisaanik toqqaannartumik toqqaannangitsumillu tapiissutit aalajangersaavigisinnaajumallugit inuussutissarsiornikkut anguniakkat tamarmiusut qulaajaavigineqartariaqarput, tamatumalu kingorna tunngavissat taakku naapertorlugit naleqqussarneqarlutik.

Takoriaqarnermut inuussutissarsiutillu tamatuma nukittorsarneqarnissaanut periarfissanut tunngatillugu mittarfiit aaqqissugaanerat piffissami kingullermi immikkut aamma oqaluuserineqarpoq. Siunnersuisoqatigiit malillugit mittarfiliornissamut pilersaarutit saqqummiunneqartut annertuumik anguniagaqarfiupput, tamatumali peqatigisaanik nalorninarpoq pilersaarut tamarmiusoq inuiaqatigiit aningaasaqarnerat eqqarsaatigalugu naapertuunnersoq piviusunngortinneqarsinnaanersorlu. Taamaattumillu mittarfiit ataasiakkaat mittarfiliornissamillu ataatsimoorumik pilersaarut inuiaqatigiit aningaasaqarnerat ataatsimut isigalugu nalilerneqarnissat annertuumik pisariaqartinneqartoq siunnersuisoqatigiit isumaqarput.

Pissutsit siuliani taaneqartut tunngavigalugit Aningaasaqarnermut Akileraartarnermullu Ataatsimiititaliaq isumaqarpoq aningaasaqarnikkut attanneqarsinnaasumik siunissami ineriartortisinissaq aalajangiisuusumik pingaaruteqartoq. Aningaasaqarnikkut anguniakkat attanneqarsinnaanngippata pisortat atugarissaanermut tunniuttagaat aningaasaqarnikkut nalinginnaasumik isertittakkat annertoqataannik qaffakkiartorsinnaanngillat. Attassisinnaanermut siuariartornermullu pilersaarummi anguniakkat kaammattuutillu amerlasuut qitiutillugit aningaasanut inatsimmik suliaqarnermut ilanngussorlugit naleqqussarneqalerpata ataatsimiititaliap isumaa malillugu aningaasaqarnikkut anguniakkat pillugit ukiumoortumik isumaqatigiinniarnertit qitiullutillu aalajangiisuussapput. Aningaasanut inatsimmik suliaqarnissami naalakkersuinikkut iliuuserineqartussat ataatsimiititaliamit qilanaarineqarput. Tassunga atatillugu aningaasat atorneqarsinnaasut suliniutinut siuarsaataasunut naalakkersuinikkut pingaartinneqartunut imaluunniit aningaasartuutinut annikillisaataasinnaasunut atorneqartariaqarnerannik Naalakkersuisut oqarnerat ataatsimiititaliamit isumaqatigineqarpoq. Taamaalillunilu aningaasanut inatsisissap partiinut oqaloqatigiissutigineqarnerani tamanna aallaavigilersaaritsik, tamatumani attassisinnaanermut siuariartornissamullu pilersaarutip malitseqartinneqarnissaata sulilu erseqqissarneqarnissaata aamma qitiutinneqalersaarnerat Naalakkersuisut aningaasaqarnikkut ingerlatsineq pillugu 2016-imi nalunaarummi allannerat ataatsimiititaliamit tusaatissatut tiguneqarpoq.

1.2.3 Allannguutissatut siunnersuutit

Aningaasanut inatsisissatut siunnersuummik Inatsisartut siullermeerinninnerat tunngavigalugu Naalakkersuisut ulloq 26. oktober 2016-imi allannguutissatut siunnersuutit 100-t Aningaasaqarnermut Ataatsimiititaliamut nassiuppaat.

Aningaasaliissutitut taamatullu *oqaasertaliussanut* allannguutissatut siunnersuuteqartoqarpoq. Allannguutissatut siunnersuutit isumaliutissiissummut ilanngussaq D-tut aamma E-tut ilanngunneqarput.

Naalakkersuisut allannguutissatut siunnersuutaannut Aningaasaqarnermut Ataatsimiititaliap inassuteqaatai isumaliutissiissummi matumani immikkoortuni 3-mi 4-milu takuneqarsinnaapput.

Suleriaatsimut Ataatsimiititaliamit allannguutissatut siunnersuut allannguutissatut siunnersuummut siuliani taaneqartumut sammisaq 12-itut aammalu allannguutissatut siunnersuutitut nr. 83-itut ilanngunneqarpoq.

2017-imi aningaasanut inatsisissatut siunnersuutip Inatsisartunit aappassaaneerpeqarnissaani Naalakkersuisut allannguutissatut siunnersuutaasa tamakkiisut sunniutissaat ingerlatsinermut, sanaartukkanut taarsigassarsiarititanullu inernerusussatut missingersuutitut, IST-p inerneranut 2017-imi 24,8 mio. kr.-inik 2018-imilu 14,3 mio. kr.-inik pitsanngoriaataassaq aammalu 2019-imi 17,9 mio. kr.-inik 2020-milu 22,1 mio. kr.-inik ajorseriaataassalluni.

2017-imi aningaasanut inatsisissatut siunnersuutip Inatsisartunit aappassaaneerpeqarnissaani Naalakkersuisut allannguutissatut siunnersuutaasa tamakkiisut sunniutissaat ingerlatsinermut sanaartukkanullu inernerusussatut missingersuutitut, IS-p inerneranut 2017-imi 24,8 mio. kr.-inik 2018-imilu 14,3 mio. kr.-inik pitsanngoriaataassaq, tamatumalu kingorna 2019-imi 18,0 mio. kr.-inik 2020-imilu 22,2 mio. kr.-inik ajorseriaataassalluni.

Ilanngussaq 1-imi oqaatigineqartutut Naalakkersuisut isummernissaannut tunngavissiami inassuteqaatit akuerineqassappata AIS2017-ip aappassaaneerpeqarnerani IST-p IS-illu inerneranut sunniutissat tamarmiusut takussutissiami matuma kingulianiittumi takutinneqarput.

Aningaasat mio. kr.-inngorlugit.	2017	2018	2019	2020
AIS2017-imi IST-p inerpera	35,1	15,1	-56,5	11,4
AIS2017-imi IS-ip inerpera	-33,0	27,4	-36,2	-41,7
Allannguutissatut siunnersuutip aappassaaneerpeqarnerani IST-p inerneranut sunniutissat	-24,8	-14,3	17,9	22,1
Allannguutissatut siunnersuutip aappassaaneerpeqarnerani IS-p inerneranut sunniutissat	-24,8	-14,3	18,0	22,2
IST-p inerneranik aappassaaneerinninneq	10,3	0,7	-38,5	33,6
IS-ip inerneranik aappassaaneerinninneq	-57,8	13,1	-18,2	63,9

Tamatuma kingorna allannguutissatut siunnersuutit saqqummiunneqarnermittut akuerineqassappata 2017-imut aningaasanut inatsisip inerpera tassaassaq **IST-mi 10,3 mio. kr.-inik amigartooruteqarneq aammalu IS-imi 57,8 mio. kr.-inik sinneqartooruteqarneq**. Piffissaq

aningaasanut inatsiseqarfiusoq 2017-2020 tamaat isigissagaanni IS-imi amigartoorutit tamarmiusut 1 mio. kr.-iussapput.

1.2.4 Aningaasaqarnermut Ataatsimiititaliap ataatsimut isigalugu isummenera

Naalakkersuisut aappassaaneerinninnissamut allannguutissatut siunnersuutaasa amerlanerpaartaasa akuersissutigineqarnissaat Aningaasaqarnermut Ataatsimiititaliamit inassutigineqarpoq. Siunnersuutip pingajussaaneerineqarnissaanut allannguutissatut siunnersuutininik allanik saqqummiussinissaq Naalakkersuisut naatsorsuutigaat.

2. Aningaasaqarnermut Ataatsimiititaliap apeqquatai/oqaaseqaatai aalajangersimasut – suliassaqarfinnut agguataarlugit

Isumaliutissiisummi ilanngussat A-mit C-imut, ataatsimiititaliap Naalakkersuisunut aallarniutigalugu apeqquataanik Naalakkersuisullu akissutaannik imaqtartut, aallarniutigalugit innersuussutigineqassapput.

Aallarniutitut Naalakkersuisunut apeqqutini Naalakkersuisullu akissutaat Aningaasaqarnermut Ataatsimiititaliap Inatsisartut ataatsimiititaliaannut ilisimatitsissutigai. Ataatsimiititalianit nalunaarutigineqarunnartut ataatsimiititaliamit qilanaarineqarput, taakkulu inatsisissatut siunnersuutip pingajussaaneerineqarnissaanut ataatsimiititaliap isumaliutissiissutaani sapinngisamik annertunerpaamik ilanngunneqarumaarput.

Aningaasanut inatsisissatut siunnersuutip aappassaaneerineqarnissaata ullormut kingusinnerusumut nuunneqarnissaa Aningaasaqarnermut Ataatsimiititaliap Siulittaasoqarfimmuut qinnutigisariaqarsimavaa. Aningaasanut inatsisissatut siunnersuutip ataatsimiititaliamit illersorneqarsinnaasumik suliarineqarnissaanut piffissaqartinneqarsinnaaqqulluni taama kinguartitsinissaq pisariaqtartut ataatsimiititaliamit isigineqarsimavoq.

3. Aningaasaliissutinut allannguutissatut siunnersuutit

Immikkoortoq 1.2.3-mi taaneqartutut aningaasanut inatsisissatut siunnersuummut allannguutissatut siunnersuutininik 100-inik Naalakkersuisut saqqummiussipput. Taakkunanga 17-it oqaasertaliussanut allannguutissatut siunnersuutaallutik. Oqaasertaliussanut allannguutissatut siunnersuutit isumaliutissiissutit immikkoortuani 4-mi sammineqarput.

Aningaasaliissutinut allannguutissatut siunnersuutit sammisanut ukununnga immikkoortinneqarsimapput:

- sammisaq 1 Aaqqissuinikkut allannguutit: allannguutissatut siunnersuutit 17-it
- sammisaq 2 Missingersuutininut sunniteqanngitsumik allannguutit: allannguutissatut siunnersuutit 18-it
- sammisaq 3 Isertitaqarnerunissamik inatsisitigullu aningaasartuutininut pissusaaffigisanit naatsorsuutit nutaat: allannguutissatut siunnersuutit 6-it
- sammisaq 4 Aningaasartuuteqarnerunissamik kissaatit: allannguutissatut siunnersuutit 10-t
- sammisaq 5 Kontumit pingaarnermit atugassanngortitsineq, 20.11.56 Missingersuutininik iluarsineq, allaffissorpeq: allannguutissatut siunnersuutit 4-t

- sammisaq 6 Kontumit pingaarnermi atugassanngortitsineq, 20.11.70 Suliniutinut nutaanut sillimmatit: allannguutissatut siunnersuutit 6-it
- sammisaq 7 Konto pingaarneq 20.05.20 Kommuninut ataatsimoortumik tapiissutit: allannguutissatut siunnersuutit 4-t
- sammisaq 8 Anisitaasimasunut inisseeqqittarfimmik tunisineq: allannguutissatut siunnersuut 1
- sammisaq 9 Aningaasanut Inatsimmut isumaqatigiissut: allannguutissatut siunnersuutit 14-it
- sammisaq 10 Meeqqanut ikorfartuisarneq pillugu Inatsisartut inatsisaat nutaaq: allannguutissatut siunnersuut 1
- sammisaq 11 Ilinniartunik suliffimmillu misiliisunik atorfinitsitsinermi inuiaqatigiit akisussaassuseqarnerat pillugu Inatsisissatut siunnersuut: allannguutissatut siunnersuut 1
- sammisaq 12 Suleriaaseq pillugu Ataatsimiititaliaq: allannguutissatut siunnersuut 1

Aningaasaliissutinut allannguutissatut siunnersuutit nr. 1-imit nr. 83-imut *normulersugaapput*.

Aningaasaliissutit pineqartillugit allannguutissatut siunnersuutit ataasiakkaat normui *aningaasaliissutinut takussutissiami* allasimapput; *ilanngussaq 1*. Aningaasaliissutinut takussutissiat Naalakkersuisut aningaasaliissutinut allannguutissatut siunnersuutaannut saarlíngorlugit ilanngunneqarput, taakkulu isumaliutissiisummut ilanngussaq E-tut ilanngunneqarlutik.

Oqaasertaliussanut tunngatillugu normuliunneqartoq oqaasertaliussat siornagut allanneqarpoq. Oqaasertaliussat *ilanngussaq 2*-mik taaguuserneqarput. Taakku isumaliutissiisummut ilanngussaq F-p ataani ilanngunneqarput.

3.1. Sammisaq 1 – Aaqqissuinikkut allannguutit

Qulequttami tassani allannguutissatut siunnersuutinik 17-inik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuuserfiusumi ataatsimut isigalugu IST-mut sunniuteqassanngillat.

Allannguutit missingersuutinut ilanngussani oqaasertat suliassanullu takussutissiat il.il. nutarterneqarnerinut tunngapput. Ukioq manna ilaatigut konto pingaarnermi 30.12.08-mi, utoqqalinermi pensionisianut tunngasumi, kiisalu 30.12.09-mi, siusinaartumik pensionisianut tunngasumi, utoqqalinermi pensionisiat siusinaartumillu pensionisiat annertussusiat annikinnerusumik qaffanneqarpoq, tamannalu inatsisitigut aalajangersagaavoq Naatsorsueqqissaartarfiullu kisitsisaataanik akit nalingat nutaanerpaaq saqqummiunneqartoq malittarlugu. Konto pingaarnermi 89.72.12-imi, inissialiassanut taartissanillu inissialiortiternermut tunngasumi, sineriammi Nuummilu inissiarsuarnik isaterinermut aningaasanik atugassiinissaq qinnutigineqarpoq.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisaq 1-ip ataani allannguutissatut siunnersuutit nr. 1-imit 17-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.2. Sammisag 2 – Missingersuutininut sunniuteqanngitsumik allannguutit

Qulequttami tassani allannguutissatut siunnersuutininik 18-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiortiusuni ataatsimut isigalugu IST-mut sunniuteqassanngillat.

Tamatuma nassagarisaanik Digitalinngorsaaneermik Aqutsisoqarfiup akissarsianut atortorissaarutit nittartakkakkullu qupperup Sullissivik.gl ASA-mit tigussavaa. Peqqinnissaqarfimmuut tunngatillugu aningaasanik nussuinissat arlallit qinnutigineqarput, tamannalu isikkut nappaatinik katsorsaaneerup kiisalu nakkutilliilluni katsorsaaneerit arlallit tiguneqarnerisa aammalu konto pingaaneerup 34.01.03-p, missingersuutininik iluarsiierneruut tunngasup, atugassanngortinneqar-nissaata qinnutigineqarneranik tunngaveqarpoq. Taamattaarluk konto pingaaneq 40.01.08-mit, ilinniartitaaneermuut tunngasuni immikkoortumuut pilersaarummuut tunngasumit, aningaasanik kontomuut pingaaneermuut nutaamut 40.90.15-imut, ilinniartut inissaannik attartorneermuut tunngasumuut, nuussinissaq qinnutigineqarpoq, tamannalu sulissaqarfik 80-89-ip ataani oqaasertaliussassatut nutaatut nr. 9-tut ilanngunneqartussatut allannguutissatut siunnersuummuut attuumassuteqarpoq ukiuni aggersuni ilinniartut ineqarfiini inissaqassutsip annertusineranuk peqataaqataasussatut kissaatigineqartoq. Allannguutissatut siunnersuutininut ataasiakkaanut Aningaasaqarneermuut Ataatsimiititaliaq ilassu-titut oqaaseqaatissaqanngilaq.

Sammisag 2-p ataani allannguutissatut siunnersuutit nr. 18-mit 35-imut **akuerineqassasut** Aningaasaqarneermuut Ataatsimiititaliamit **inassutigineqarpoq**.

3.3. Sammisag 3 – Isertitaqarnerunissamik inatsisitigullu aningaasartuutinit pissussaaffi-gisanit naatsorsuutit nutaat

Qulequttami tassani allannguutissatut siunnersuutininik 6-nik Naalakkersuisut saqqummiussipput. Allannguutissatut siunnersuutit taakku katillutik IST-p inerneranuk 2017-imi 55,2 mio. kr.-inik, 2018-imi 25,2 mio. kr.-inik, 2019-imi 24,2 mio. kr.-inik 2020-imilu 23,2 mio. kr.-inik pitsanngoriaataassapput.

Konto pingaaneermi 24.10.10-mi, nuna tamakkerlugu akileraarummuut tunngasumi, ukiumut isertitat 10 mio. kr.-inik qaffanneqarnissaat qinnutigineqarpoq, tamannalu suliffeqarfinnit aalisar-nermik ingerlatsisunit, aalisakkat raajallu akigissaaneerisa kingunerisaannik piginnittuminnut iluanaarutissiisunit, annertunerusumik iluanaarutisiat akileraarutaasigut isertitaqarnissamik naatsorsuutiginninnermik aallaaveqarpoq. Konto pingaaneermuut 24.10.12-imut, Ingerlatseqa-tigiiffiit akileraarutaat, Namminersorlutik Oqartussat suliffeqarfiutaannut tunngasumuut, isertitassatut missingersuutit annertuumik qaffanneqarnissaat qinnutigineqarpoq, tamatumunnga ilaatigut tunngaviuvoq KNI-mi Royal Greenlandimilu angusat pitsaaneerulernerat. 2017-imut isertitassatut missingikkat Pituffimmi sullissinissamik isumaqatigiissutit sivitsorneqarnerata nassatarisaanik immikkut ittumik qaffanneqarnissaat qinnutigineqarpoq, tamannalu Greenland Contractorsimik piginneqataaneq aqutugalugu Greenland Holdingimut iluaqutaassaaq. Taamaammatt ingerlatseqatigiiffiup ukiumut naatsorsuusiortifimmuut 2016-imut akileraarutitigut akiliutissai 2017-imi akileraarutissanngortussat 2016-imi akileraarutigineqartut amerlaqa-tigissagaat naatsorsuutigineqarpoq. Akerlianillu kontomi pinaaneermi 24.11.26-imi, aalisakkanuk

ikerinnarsiortunut akitsuummumut tunngasumi, isertitassatut missingikkat appartinneqarnissaat qinnutigineqarpoq, tamannalu avaleraasartoortanik patsiseqarpoq, taakkunannga 35.000 tonsit missaat pisarineqarlutik. Allannguutissatut siunnersuutikkut aningaasaliissutit aaqqiiviginiarneqarput, taamaalilluni 2017-imi 2016-imisulli aalisarnissaq missingersuutigineqassalluni. Nagga-taagullu konto pingaarnermi 10.13.10-mi, iluanaarutinut, aktianik piginneqatigiiffinniit piginneqataassutinut tunisinernullu tunngasumi, isertitassatut missingersuutit 2017-imi 8 mio. kr-inik qaffanneqarnissaat qinnutigineqarpoq, tamatumani tunngaviuvoq Namminersorlutik Oqartussat suliffeqarfiutaanni 2017-imi angusassatut ilimagineqartut qaffanneqarnerat.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 3-p ataani allannguutissatut siunnersuutit nr. 36-imit 41-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.4. Sammissaq 4 – Aningaasartuuteqarnerunissamik kissaatit

Qulequttami tassani allannguutissatut siunnersuutinik 10-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2017-imi 10,3 mio. kr.-inik, 2018-imi 7,9 mio. kr.-inik, 2019-imi 13,0 mio. kr.-inik 2020-imilu 13,0 mio. kr.-inik ajorseriaataassapput.

Tamatumani 2016-imi ilassutitut aningaasaliissutissatut akuerisat, 2017-imi tamatumalu kingorna aningaasaqarnikkut kinguneqartussat tunngavigalugit aningaasanik amerlanerusunik immikkoortitsinissaq ilaatigut qinnutigineqarpoq.

Konto pingaarnermi 72.02.05-imi, ilaasunik angallassinermut tapiissutinut tunngasumi, 2017-imit 1,7 mio. kr-inik aningaasaliinissaq qinnutigineqarpoq, tamannalu ilaasunik angallassineq pillugu kiffartuussinissamik isumaqatigiissutit akuersissutigineqarnerannik tunngaveqarpoq. Kiisalu allannguutissatut siunnersuummik saqqummiussisoqarpoq, tamatumani kontomut pingaarnermut aningaasaliissutit 2019-2020-imi 7,5 mio. kr-inik qaffanneqarnissaat qinnutigineqarluni. Ingerlatseqatigiiffiup ingerlataasa ingerlatseqinneqarnissaat pillugu Arctic Umiq Linep ukiunut sisamanut atuuttussamik kiffartuussinissamut isumaqatigiissuteqarfigineqarnissaanik naatsorsuutiginninneq tunngavigalugu aningaasaliissutit qaffanneqarput.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 4-p ataani allannguutissatut siunnersuutit nr. 42-imit 51-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.5. Sammissaq 5 – Kontumit pingaarnermi atugassanngortitsineq, 20.11.56 Missingersuutinik iluarsineq, allaffissorneq

Qulequttami tassani allannguutissatut siunnersuutinik 4-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat.

Suliniutip “Namminersorlutik Oqartussat nittartakkakut quppernerisa Digitaliseeriinermut Aqutsisoqarfimmi qitiusumut katersornissaat” AIS2017-imi ilanngunneqartup aammalu nittartakkat pingasut isumagineqarnerisa konto pingaarnermi 30.13.43-mit, Nuna tamakkerlugu innarluutilinnut sullisivimmut tunngasumit, konto pingaarnermi 20.40.01-imut, Digitaliseeriinermut Aqutsisoqarfimmut tunngasumut, nuunneqarnerannik kinguneqartussap piviusunngortinneqarnissaa matumani qinnutigineqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 5-ip ataani allannguutissatut siunnersuutit nr. 52-imit 55-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.6. Sammissaq 6 – Kontumit pingaarnermi atugassanngortitsineq, 20.11.70 Suliniutinut nutaanut sillimmatit

Qulequttami tassani allannguutissatut siunnersuutinik 6-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiumilu missingersuusiorfiusumi ataatsimut isigalugu IST-mut sunniuteqassanngillat.

Matumani suliniutit AIS2017-imi ilanngunneqartut piviusunngortinneqarnissaat qinnutigineqarpoq. Pingajussaaneerinninnermut atatillugu suliniutit arlallit piviusunngortinneqarnissaat qinnutigineqassaaq, tassunga ilanngullugit qimminut akiuussutissanik kapuineq, tassanilu tamanna pillugu inatsisissatut siunnersuutit inaarutaasumik suliarineqarnissaa utaqqinneqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 6-ip ataani allannguutissatut siunnersuutit nr. 56-mit 61-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.7. Sammissaq 7 – Konto pingarneq 20.05.20 Kommunitut ataatsimoortumik tapiissutit

Qulequttami tassani allannguutissatut siunnersuutinik 4-inik Naalakkersuisut saqqummiussipput. Allannguutissatut siunnersuutit taakku IST-p inerneranut 2017-imi 3,3 mio. kr.-inik, 2018-imi 1,8 mio. kr.-inik, 2019-imi 0,3 mio. kr.-inik 2020-imilu 0,3 mio. kr.-inik ataatsimut ajorseriaataassapput.

Matumani ataatsimoortumik tapiissutit pillugu kommuninut 2017-imi isumaqatigiissutigineqartussatut naatsorsuutigineqartup kingunerisassaasa AI2017-imut ilanngunneqarnissaat qinnutigineqarpoq. Kiisalu missingersuusiornermut inatsisip aammalu soraarnerussutisqaarnissamut aaqiissuussinermi pinngitsoorani ilaanissap aammalu kommuninut ataatsimoortumik tapiissutinut aningaasaqarnikkut kinguneqartussap akuerinerisa kingunerisaanik allannguutissatut siunnersuutinik saqqummiussisoqarnissaa naatsorsuutigineqarpoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 7-ip ataani allannguutissatut siunnersuutitut nr. 62-imit 65-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.8. Sammissaq 8 – Anisitaasimasunut inisseeqqittarfimmik tunisineq

Allannguutissatut siunnersuummik 1-mik ukiumi aningaasanut inatsiseqarfiusumi 2017-imi IST-p inerneranut 6,3 mio. kr.-inik pitsanngoriaataasussamik Naalakkersuisut saqqummiussipput.

Tamatumani konto pingaarneq 20.10.22-imi, Isertitanut allanut tunngasumi, 2017-imi isertitassatut missingikkat 6,3 mio. kr.-inik qaffanneqarnissaat qinnutigineqarpoq. Tamatumani Nuummi inisseeqqittarfimmik 6,3 mio. kr.-ilerlugu tigusinissamik Kommuneqarfik Sermersuup oqariartuuteqarnera tunngaviuvoq. Tamatumani konto pingaarnermut 20.10.22-mut, isertitanut allanut tunngasumut, oqaasertaliussamik ilanngussisoqarnissaa pillugu allannguutissatut siunnersuutip imarisaa innersuussutigineqarpoq.

Sammissaq 8-p ataani allannguutissatut siunnersuutitut nr. 66 **akuerineqassasut** Aningaasaqarnermut Ataatsimiititaliamit **inassutigineqarpoq**.

3.9. Sammissaq 9 – Aningaasanut inatsimmut isumaqatigiissut

Allannguutissatut siunnersuutitut 14-inik Naalakkersuisut saqqummiussipput. Allannguutissatut siunnersuutitut taakku IST-p inerneranut 2017-imi 28,0 mio. kr.-inik, 2018-imi 10,1 mio. kr.-inik, 2019-imi 15,1 mio. kr.-inik 2020-milu 8,6 mio. kr.-inik ataatsimut ajorseriaataassapput.

Sammissami tassani aningaasanut inatsimmut isumaqatigiissummut atatillugu aningaasartuutaanerusussat sipaarutillu AI2017-imut ilanngunneqarput. Konto pingaarneq 20.11.71, tulle-riiaarineranut toqqortanut tunngasoq, AIS2017-imi tunngavissaatinneqartutut aningaasartuutaanerusussat aningaasalersornerannut ilaatinneqarpoq. Kujataani Qeqertarsuullu tunuani ilaasunik angallassinermi kiffartuussinissamik isumaqatigiissutitut nutaanut ilassutitut isumaqatigiissusiornissamut 18,1 mio. kr.-inik aningaasaliissuteqarnissap qinnutigineqarnera missingersuutitut ajorseriarnerannut pingaarnertut pissutaavoq. Ilassutitut isumaqatigiissutitut suliarineqarnerat ingerlavoq. Ilassutitut isumaqatigiissutikkut nunap immikkoortuini pineqartuni angallannikkut sullinneqarneq pillugu isornartorsiutaasut aaqqiiviginiarneqarput. Kiisalu konto pingaarnerup 20.11.70-ip, Suliniutitut nutaanut sillimmatitut tunngasup, ataani isumaginninnermut peqqinnermullu suliassaqarfimmi meeqqanut inuusuttunullu siusissukkut iliuuseqarnissamut aningaasanik immikkoortitsinissamik qinnuteqartoqarnerata kingunerisaanik missingersuutitut 2017-imi 6,5 mio. kr.-inik 2018-imiillu 10 mio. kr.-inik ajoreriaateqassapput. Isumaqatigiissummi suliniutissanut arlalinnut aningaasaliissutissat 2017-imi atugassiissutigineqarnissaat siunertarlugu sillimmatitut kontoni aallaqqaammut immikkoortinneqassapput, tassa aningaasat ingerlatsinermut kontoni nalinginnaasuni immikkoortinneqarnissaannut naammaginnartumik sulit tunngavissaqanngimmat.

Taamattaq NUNAOIL A/S-imut 2018-imi akiliutissat 10 mio. kr-iusut AI2017-imi peerniarneqarput. Tamanna 2018-mi ingerlatseqatigiiffimmut aningaasaliissuteqarnissamik pisariaqartitsinerup nalileqqinneqarneranik tunngaveqarpoq, tamannalu ingerlatseqatigiiffiup kulbrintinik tunngasuni appasissumik suliaqartoqarneranut naleqqussarnissaanik kissaateqarnermik tunngaveqarpoq. Suliat appasinnerisa ukiuni aggersuni ingerlaannarnissaa naatsorsuutigineqarpoq, taamaammallu ingerlatseqatigiiffiup ingerlanneqarnerani aningaasartuutit appartinniarneqarput.

Konto pingaarnermut 20.11.56-imut, allaffissornermi missingersuutinik iluarsinermut tunngasumut, atatillugu 2018-imit ukiumut 5 mio. kr-inik sipaarutissat ilanngunneqarnissaat qinnutigineqarpoq. Sipaarutissat 2017-imut aningaasanut inatsit pillugu isumaqatigiissutaasussatut ilimagineqartumut ilaatinneqarput, taakkulu Namminersorlutik Oqartussat kommunillu akornanni marloqiusamik allaffissornerup appartinneqarneratigut atugassiissutigittinniarneqarput. Tamatumunnga ilaatigut ilaavoq Namminersorlutik Oqartussani immikkoortitanik aqutsineq kommuninut, aningaasanik atuinermik ullumikkut aqutsisuusunut, nuunneqartussatut naatsorsuutigineqartoq. Immikkoortitat taamaattut suliaasaqarfinni 30-mi, 62-64-imi aamma 73-77-imi ullumikkut ilaatigut nassaassaapput. Nuussinerup allaffissornermik sipaaruteqarnermik nassaataqarnissaa naleqqutissaaq.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq, allannguutissatulli siunnersuutit innersuussutigineqassapput.

Sammissaq 9-p ataani allannguutissatut siunnersuutit nr. 67-imit 80-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.10. Sammissaq 10 – Meeqqanut ikorfartuisarneq pillugu Inatsisartut inatsisaat nutaaq

Allannguutissatut siunnersuummik 1-mik Naalakkersuisut saqqummiussipput. Allannguutissatut siunnersuut taanna IST-p inerneranut 2017-imi 7,4 mio. kr.-inik ataatsimut pitsanngoriaataassaaq aamma IST-p inerneranut 2018-imi 6,1 mio. kr.-inik, 2019-imi 7,1 mio. kr.-inik 2020-imilu 6,1 mio. kr.-inik ajorseriaataassaaq.

Inatsisissatut siunnersuutip aningaasaqarnikkut kingunerisassaasa allanngortinneqarnissaat qinnutigineqarpoq, tamatumani 2017-imi missingersuutinut pitsanngoriaammut pissutaalluni inatsisip AIS2017-imi 1. januar 2017-imi atuutilertussatut naatsorsuutigineqartup maanna 1. Juli 2017-imi atuutilernissaa naatsorsuutigineqalernera. Suliniutinut inatsisissatut siunnersuummut ilaasunut aningaasartuutit ukiumoortumik 6-7 mio. kr.-erluinnarnik amerlineqarnissaat allannguutissatut siunnersuutikkut qinnutigineqarpoq, taamaalilluni inatsisissatut siunnersuutip kingunerisaanik ukiumoortumik aningaasartuutaanerusussat katillutik ukiumut 26 mio. kr.-it missaanniillutik.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 10-p ataani allannguutissatut siunnersuut nr. 81 **akuerineqassasoq** Aningaasaqarnermut Ataatsimiititaliamit **inassutigineqarpoq**.

3.11. Sammissaq 11 – Ilinniartunik suliffimmillu misiliisunik atorfinitsitsinermi inuiaqatigiit akisussaassuseqarnerat pillugu Inatsisissatut siunnersuut

Allannguutissatut siunnersuummik 1-mik Naalackersuisut saqqummiussipput. Allannguutissatut siunnersuut taanna IST-p inerneranut 2017-imi 2,5 mio. kr.-inik aamma 2018-imi 13,0 mio. kr.-inik ataatsimut pitsanngoriaataassaaq aammalu IST-p inerneranut 2019-imi 6,7 mio. kr.-inik 2020-imilu 17,4 mio. kr.-inik ajorseriaataassalluni.

Inatsisissatut siunnersuut UKA2016-imi saqqummiunneqartussatut naatsorsuutigineqaralarpoq. Inatsisissatut siunnersuut UPA 2017-imi, ulloq 1. januar 2019-imi atortuulertussanngorlugu saqqummiunneqartussatut manna naatsorsuutigineqalerpoq, tassa pilersaarutaqaartumit ukiumik ataatsimik kingusinnerusukkut.

Inatsisissatut siunnersuutip suliarineqarnerata kingorna inatsimmut atatillugu aningaasartuutaasussatut naatsorsuutigineqartut amerlipput.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 11-p ataani allannguutissatut siunnersuut nr. 82 **akuerineqassasoq** Aningaasaqarnermut Ataatsimiititaliamit **inassutigineqarpoq**.

3.12. Sammissaq 12 – Suleriaaseq pillugu Ataatsimiititaliaq

Allannguutissatut siunnersuummik 1-imik Suleriaatsimut Ataatsimiititaliaq saqqummiussivoq. Allannguutissatut siunnersuut taanna IST-p inerneranut 2017-imi 3,0 mio. kr.-inik ajorseriaataassaaq.

Sammissami matumani Inatsisartut Suleriaatsimut Ataatsimiititaliaat allannguutissatut siunnersuummik saqqummiussivoq, tamatumani Inatsisartut ataatsimiinnerisa nalaani akunnittarfinni hotellejlighedinilu maanna ineqartitsisarnermut taarsiullugu Inatsisartunut ilaasortanut inissianik mikinernut 22-nik sanaartornissamut atatillugu pilersarusiornerup suliariumannittussarsiornerullu ingerlanneqarnissaannut 3 mio. kr.-it immikkoortinneqarnissaat qinnutigineqarluni. Taamaalilluni allannguutissatut siunnersuut manna Naalackersuisut saqqummiussarinngilaat, isummernissamulli tunngavissiami matumani ilanngunneqarpoq, taamaaliornikkut AIS2017-ip aappassaaneernejarnissaanut allannguutissatut siunnersuutit aningaasaqarnikkut ataatsimut kingunerisassaataat nassuiarumallugit.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 12-ip ataani allannguutissatut siunnersuut nr. 83 **akuerineqassasoq** Aningaasaqarnermut Ataatsimiititaliamit **inassutigineqarpoq**.

4. Oqaasertaliussanut allannguutissatut siunnersuutit

4.1 Naalakkersuisut oqaasertaliussanut allannguutissatut siunnersuutaat

Oqaasertaliussanut allannguutissatut siunnersuutinik katillugit 17-inik Naalakkersuisut siunnersuuteqarput. Allannguutissatut siunnersuutit taakku 84-mit 100-imut normoqarput.

Oqaasertaliussanut allannguutissatut siunnersuutit aningaasanut inatsisissatut siunnersuummut *ilanngussaq 2-mut* attuumassuteqarput. Taakku isumaliutissiisumut ilanngussaq F-ip ataanut ilanngunneqarput.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Oqaasertaliussanut allannguutissatut siunnersuutit nr. 84-imiit 100-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

5. Aningaasaqarnermut Ataatsimiititaliap inassuteqaatai

Taama oqaaseqarluni Aningaasaqarnermut Ataatsimiititaliap aningaasanut inatsisissatut siunnersuut Inatsisartunit aappassaaniigassanngortippaa.

Sammissaq 1-ip ataanit allannguutissatut siunnersuutit nr. 1-imiit 17-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 2-p ataanit allannguutissatut siunnersuutit nr. 18-imiit 35-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 3-p ataanit allannguutissatut siunnersuutit nr. 36-imiit 41-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 4-p ataanit allannguutissatut siunnersuutit nr. 42-imiit 51-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 5-ip ataanit allannguutissatut siunnersuutit nr. 52-imiit 55-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 6-ip ataanit allannguutissatut siunnersuutit nr. 56-imiit 61-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 7-ip ataanit allannguutissatut siunnersuutit nr. 62-imiit 65-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 8-p ataani allannguutissatut siunnersuut nr. 66 **akuerineqassasoq**
Aningaasaqarnermut Ataatsimiititaliamit **inassutigineqarpoq**.

Sammissaq 9-p ataani allannguutissatut siunnersuutit nr. 67-imit 80-imut **akuerineqassasut**
Aningaasaqarnermut Ataatsimiititaliamit **inassutigineqarpoq**.


Sammissaq 10-p ataani allannguutissatut siunnersuut nr. 81 **akuerineqassasoq**
Aningaasaqarnermut Ataatsimiititaliamit **inassutigineqarpoq**.

Sammissaq 11-p ataani allannguutissatut siunnersuut nr. 82 **akuerineqassasoq**
Aningaasaqarnermut Ataatsimiititaliamit **inassutigineqarpoq**.

Sammissaq 12-ip ataani allannguutissatut siunnersuut nr. 83 **akuerineqassasoq**
Aningaasaqarnermut Ataatsimiititaliamit **inassutigineqarpoq**.

Oqaasertaliussanut allannguutissatut siunnersuutit nr. 84-imit 100-mut **akuerineqassasut**
Aningaasaqarnermut Ataatsimiititaliamit **inassutigineqarpoq**.


Inatsisartut suliarinninnerat tunngavigalugu Inatsisartut inaarutaasumik pingajussaaneerinnillutik suliarinninnissaat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit **inassutigineqarpoq.**




Jens Immanuel, Siulittaasoq




Randi V. Evaldsen




Peter Olsen




Nikolaj Jeremiassen



Jess Svane



Ane Hansen



Bendt Kristiansen